

# ◎論對於社會之公德及公益

人既相羣而成社會。則我身不能一日一時而外此社會。既不能外此社會。則其對於社會之公德。公益。不可不講究之也。

所謂對於社會之公德云者。乃對於社會應盡之道。心不私於一已。而必爲公共計也。此公共心之有無。彊弱。於何見之。於其對諸公共物之行爲而見之。

一爲公共物之不可私用也。蓋非我之私有物而私用之。則侵害他人之權利。而盜其利益。且使人一皆私用之。則公共物有限。亦何能偏給而爭端起矣。此在公私分別未明之社會。往往有此不德之行爲。而寔足以證其社會之未開化也。

一爲公共物之不可忽視也。視爲私有而私用之。固不可。然視爲無主之物而忽略視之。亦不可也。蓋公共之品物財產。屬於社會之所有。權不唯現在之人得享其權利。卽後來之入其團體者。亦得享其便利。故必保存尊重。不但如自己之物已也。必較自己者更爲加倍鄭重。乃算爲有公德之行爲也。

一公共場所之不可毀損也。公共場所爲有同等權利者之集合所。如汽車汽船。及公會堂。與公共游玩之公園。不可任意唾涕汚穢。輕毀其一物一器。戲折其一草一木。如過施茶之亭。偶焉飲之。或以爲未必再飲於此。而輕毀其器。者有之。如遇道傍之樹。偶焉蔭涼。或以爲未必再蔭於此。而輕折其枝。者有之。偶毀一器。偶折一枝。雖若其事甚微。然使人人如此。必至後來者無器可飲。無枝可蔭。無益於己。而有損於人。此最爲不道德之行爲。而大有害於社會者。不可不注意之也。

所謂對於社會之公益者。乃所以維持社會團體之進步也。蓋維持云者。非徒僅僅保守其現狀以求勿替而已。必使現狀漸次發達繁榮滋長。維持之義乃全。譬如人之身體不發達日復一日。將必至於不能生存。社會亦猶是也。社會之狀態不進則退。絕無不進不退。截然中立於一途者。此亦天演之公例。自然之現象。故維持社會者必使之日漸發達乃有進步也。

何以發達之興種種之公益。以發達之公益之重要者。不外二端。

一曰豫防危害。二曰增進幸福。

豫防危害有基於天然者。有基於人爲者。

基於天然之危害。如天災地變之類。必設法以豫防之。若備凶荒救水火及治傳染病等事。是也。基於人爲之危害。如內亂外患之起。則謀所以剷除而平定之。以期不紊亂秩序妨害治安。以上二者。所以保護各社員之生命財產而爲發達之基礎也。

增進幸福範圍甚廣。方法多端。有不勝枚舉者。今試約略言之。

增進幸福。範圍甚廣。方法多端。有不勝枚舉者。今試約略言之。

欲爲團體增進身體上之幸福。則必從事於衛生。以上三者。雖未盡包括。而社會之作用已略具其梗概焉。

社會團體既爲吾人去危害。而謀幸福。則凡爲危害所在。幸福所歸。無論如何方面。皆必視其團體

勢力之所爲。如消極的方面。危害必使永滅於無形。積極的方面。幸福必使日躋於上級。經營組織無在非使同一社會之人羣慶安全。然則此種事業其爲公事業無疑矣。

(三) 公課執行之人名曰公職。以其爲社會全體之代表及經理社會團體之事務也。任公職之人。有由團體員之選舉者。有由政府特別任命適當之人者。要皆對於團體負其責任。而當實行其權限內所定之事。故任公職者不可忘其執行以致曠職之罪。而全體社員又必尊重公職之權能。不可妨害其執行。蓋既由各社員承認其權能委任。而使之執行。又豈可自爲妨害之。如因一私人之感情而惡公職者。遂反抗其權能。此則大有害於社會。而社會亦決不能容者也。消費之財曰公課。蓋計社會所應行之事。就團體以內之人而出資金以擔負之。以社會之財辦社會之事。自必費不虛糜。而事有實際矣。

有公職以爲事業之執行。有公課以爲經濟之活動。則所謂防危害增幸福者。有日趨於發達進步。而各適其生存之欲望矣。

彼世之寡聞淺見者。只知謀一己之私利。而凡關於公益之事。往往淡漠視之。使人人如此。則社會從而衰退。而所謂一己之私利亦必不能獨存。猶之耳目不護其手足。手足不護其腹心。則身體陷於危害而死亡。豈有耳目手足之各能獨自存在而享幸福者。故我欲保一己之利益。不可不汲汲以興公共之利益。蓋必人人皆有利益。而我一己之利益亦自隨社會之發達而永遠存在也。

## ●黎桂堂先生小史

先生諱貴惇字允厚號桂堂忠獻公之長子也。保泰七年丙午七月初五日丁亥時生。初忠獻公郡夫人禱於金榜光承寺夢有賜麒麟之兆。分娩時又夢一官人騎從甚盛。轎前掛一羽扇來造宅前已而生公。公生而穎異二歲識有無二字百試不差。四歲就學唐書於其族祖叔寫字頗遒勁。卽手筆寫之而成字。忠獻公心異之。五歲學詩經。不旁觀不戲弄。疑字一教不再問。家有書架。日日登坐其上。看左傳國語國策文選。六歲能詩文。忠獻公曾以其文示同年朱元琳。朱公批云。豫章拱把長聳千尋。大鵬生雛。直搏九萬。其進不可量也。七歲學史。八歲能作賦策。十歲能作行歌論辨書檄。十一歲學宋元史。一日誦得八九十張。學易經。一日誦遍綱領圖說。忠獻公嘗試使一日作賦十篇。皆斐然成文。而意義周切。十四歲遍讀五經四書史籍傳記。旁及諸子百家之書。無不熟讀。人以宿儒稱之。爲文伸紙疾書。萬言立就。不構思不起草。而學問議論汪洋大肆。十五歲時景興初元庚申年。隨父忠獻公居京師。學業大進。十七歲考於縣二期。並優等。十八歲進於鄉。一舉解元。著書百篇。士子從學者多十三年壬申會試。經義四六並第二。詩賦第七。策期優中第一名。廷試賜第一甲進士。及第二名榜眼。時年二十七。十四年癸酉授翰林院侍書。是年冬充博舉場監試。十六年乙亥元旦。皇上謁南郊還至朝元殿。停輦問諸臣。以正旦大禮如何。今當卽視朝。將還御萬壽殿而後出。先生奏言。臣竊照舊典。郊祀禮成駕還。御正殿受朝賀。此禮爲宜。若還御便殿方出視朝。恐更添一節。次上

從之。六月入侍講。上虛心咨訪。公亦慨然剖析疑義。敷陳治道。上益重其才。十二月。鄭王將建都古碑。欲法前志  
並建南京。詢諸言地理者。一時羣議競按舊藁。言其眞形正脉。先生上疏。陳其可疑之說。八不便之說。五事遂止。十七年丙子。奉差采訪山南道。不避權要。糾免貴臣貪贓者六七人。五月添差府僚知兵番。八月奉差叶同山西宣光興化等道。率左銳奇討逆賊有功。旣還朝。條陳兵番職掌凡十九條。鄭王稱其諳練國典。賞銀三十兩。命付兵番遵行。永爲例。十八年丁丑陞翰林院侍講。參預政事。剖決疑獄。多得免冤。十九年戊寅冬。充歲貢部副使。未行。二十年己卯復入侍講。差知兵番如故。上嘗稱之曰。卿父子皆忠愛可謂忠孝傳家矣。我不欲卿遠行。欲替差別人使卿留左右。常見談論。先生曰。臣年尙少。願且往上國。歷覽山川。詢訪治體。以廣見聞。上壯而許之。二十一年庚辰春。奉往北使。將行。賜爵潁城伯。時先生年踰三十。好遊玩跋涉。感古訪今。到處題詠爲詩。多口占而成。見官廳對聯題扁。嘗默記歸而寫之。過梧州日。有叶鎮李姓者。問我國王何名。先生曰。從來位列有司。未有對人使而問其君之名者。大人不當問。使臣不當對。叶鎮慚謝。自廣西以至北京。各省達官多以難對之事爲問。先生應答裕如。衆皆歎羨。二十二年辛巳正月入覲。清兵部上書梁詩正工部尚書歸有光等及翰林院都察院官。聞先生名。爭來接問。先生隨事應答。詞意清辦。衆皆嘖嘖稱嘆。曰。貴國有人矣。嘗演禮於鴻臚之寺。與朝鮮國洪啓禧、趙榮見、李徽中相見。因投詩贈之。東使驚嘆。先生又以所撰羣書攷辨。聖謨賢範錄二書。及沿途酬唱瀟湘百詠集。示之。啓禧爲之作序。先生語同僚。鄭公鄭春澍曰。承乏皇華。觀光上國。今成均在望。可以一往祇謁宮牆。訪問禮樂。於是就太學謁先聖。循歷階廡。出戟門。觀周辰石鼓。與助教張元觀。博士張鳳書相見。蓋從前本國使臣未有躬謁胄監。至是

始見一時傳爲觀光勝事。及還有伴送秦朝釭者博雅士也。見公史辨甚擊節。因與往復辦論。逐條之下頗加評品。因問通事曰安南人才如貴使者幾人。通事曰本國有文章德望居館閣者數十人。朝釭曰上國號多人才至如貴使之比亦不過數人。貴國安得許多。提學朱佩蓮督學粵西。先生送所著書二編。佩蓮深加稱獎。曰史辨一書。根經據傳。自標卓識。聖謨賢範。錄大儒明體之學也。史辨大儒致用之學也。顧炎武日知錄。庶幾近之。並爲之作序文。佩蓮嘗質問輿地圖公一一剖析援引古今沿革。歷歷可考。又嘗辨本國奉事解縉及越裳指南車事。佩蓮大奇其才。相與言論。往復八九日。臨別曰僕欲與使君商略古今。恨相聚不能久耳。且嘗稱先生文詞婉麗。有唐宋之風。從前使君所過列省府州贊見。並稱彝官彝目。先生還到桂林。投書於撫院。乞行下左江道及所屬府州改正舊儀。布政使葉存仁謂曰。說得活理。意思亦高。已蒙府臺準允。當行公文移報左江道。自後贊見但稱安南貢使。先生言嗣凡一切儀註文書。送到本國。勿可著此彝字。撫院亦聽之。二十三年壬午。回朝陞翰林院承旨。仍伯爵。上欲以先生入侍陪從。有言其始奉使回。又值家變。不宜糜以政事。乃止。命仍入侍添差。十月充海陽鄉試場提調。時朝議以官書散逸。欲命官掌其事。將置秘書閣。擇差文臣爲學士。政府進擬數人名不允。特命先生與醴澤侯阮伯璣並充學士。二十四年癸未。先生嘗從鄭王遊宋山之鴟洞。見有石碑刻一佛字。字大數尺。甚迺媚。不記朝代。召問諸臣。皆莫能識。先生對言。臣按國史。此乃李聖宗朝神武三年御書。前置仙遊寺。後移于此。鄭王嘉其博識。先生自奉使日。詢訪上國治體。至是請立法度定經制疏略。言善爲國家者必長慮。却顧遠算。深圖以建千百年久安之勢。謀治於旦夕。計功於尺寸。非所謂遠算也。從來爲人國之害者。不過有四。強臣奸民。敵國蠻。

夷。四者之中。奸民爲甚。我越自丁氏立國。更歷數代。以至于今。丁李厄於強臣。陳困於蠻夷。胡亡於敵國。前朝壞於奸民。此皆鑿鑿可鑒。仰惟今日。總攬權綱。分任將相。大小內外。無不奉法。則強臣非所慮。柔懷屬國。占牢諸部。以時朝貢。則蠻夷非所憂。以小事大。一於恭恪。世申款約。則敵國又不足關心也。所當掛慮者。竊以爲在於奸民而已。國朝自中興以來。涵養生聚。百五十年。德澤可謂深厚。乃永佑之季。揭竿斬木。羣起如沸。貢士舉人。鄉目村長。親爲戎首。稱戈犯順。不逞之徒。從而和之。延蔓諸鎮。震動四方。國家何負於民。而民心如此。傳曰。交趾之俗好亂。卽此可見。當時幸賴先朝貽謀。具存南陲。有常屯之兵。湯沐有累年之積。故緩急得以爲資。紹恢興造。不然豈不爲之寒心哉。臣聞爲國者不可恃其無緩急。而恃其有以待緩急。古之基廣難傾。原深難拔者。皆有以待緩急也。然今之所謂待緩急者。將收天下之兵。聚之京師乎。括天下之財。積之倉廩乎。失其民心。非所以爲弭亂之道。而弭亂之計。亦非可以因仍一向空談也。人生氣稟不齊。有良善有凶梗。有安於本業。有游食無賴。且施濟堯舜猶病。安能使之必皆得所。而天運不常。水旱饑荒。往往有之。此奸民嘯扇之端也。故英君必先定法制。以把持天下。而道德齊禮之意。常行乎其間。然後可以正一世之人心。成百世之風俗。爲之民者。亦必先知畏法守令。各有定志。然後尊親之念油然而興。雖外變或致搶攘。而境相維脉絡相貫。形勢較然。其不可窺。威令凜然。其不可犯。分義秩然。其可遵。禮文燦然。其可慕。予以中原而思其所以隨俗施政之異。及到湖廣山東。環視江山。縱觀天下之勢。深嘆人心無定。世變無

窮治亦難矣。所賴以束人心而御世變者。法制焉耳。不然則草澤之奸雄幾何而不拊掌抵隙乎。卽觀古今異宜。南北異俗。而所以爲法制者。同歸于善。初無異也。成康之整理民衆。奮張其氣。而不使惰偷。催壓其奸而不使扞格。豈非所以杜陵夷之漸。而保治於無窮耶。又豈今日上國能之。而本國不能耶。自北國還。每念及此。或中夜起坐。或撫已三嘆。不勝區區之情。伏願鑒古驗今。懲前毖後。與二三大臣講求久遠之計。初謀必審熟而不輕發。旣行則果決而不輕廢。把持有要。制御有道。寔其表壯其裏。裕其源。防其流。以正人心。以維風俗。姦雄之變永戢。禮讓之化胥興。千萬年太平不拔之基。其將必在乎此。又陳時政十餘條。上皆嘉納。尋又請三年大比。間歲復開恩科。及請遣使賀清朝皇太后壽慶。二十五年甲申春。奉差相地清華處。又奉差相地西湖。時公日受眷遇。忌者百計毀之。及是又出爲海陽參政。亦固辭。公退居二年。杜門著書。覃思經術。講學授徒。遠方從學者甚衆。尤留意堪輿之學。以書籍山水自娛。二十八年丁亥起復侍書。命仍纂修國史。兼國子監司業。復添差知兵番。固辭。又命徵撫蒞仁府。今改里仁府。二十九年戊子。進全越詩錄。前代詩集多散逸。公訪尋人家舊編。收拾自李明至國朝統元。釐爲十五卷。書成進覽。上嘉悅。賞銀二十兩。其冬充試場監試。三十年己丑。時將有討鎮寧之役。清丈一二處兵逃欠。至五千八百餘人。公言責之員目。自擇丁項引替。以省勾催之弊。墳替只取足率。不泥舊簿姓名。以革僞名。苟且之弊。從之。自是國伍浸充。八月。維密將黎廷本攔下。清華寇掠。命潘泓侯爲正督領。公贊理軍務。召

對擇閣堂。瞳郡公言山戰谷戰如兩鼠鬪於穴中。何能施展。宜引賊至平地與戰。方能取勝。鄭王命先生以此意喻阮潘公。言近來軍政不肅。將令不行。請得以軍法從事。許之。公旣出師。乃命復承旨職伯爵。九月先生及廷本戰於銅鼓山。大破之。先生馳赴清華安場。聞潘已入萬賴冊。方作魯橋。欲進取良政。卽疾入語以宜急退兵安場。引賊至平地而乘之。方爲全策。前所差三將屯汴下冊。亦抽回同駐。厚集士馬。賊兵聞之。以爲怯。遂下丹泥。兵勢甚盛。官軍三面夾擊。賊兵敗走。捷聞。帝遣官賚銀三百兩。卽軍中頒賜之。又賞銀牌一面。官軍乘勝攻賊諸屯。皆拔之。壽春良政。錦水關。榔諸縣悉平。乃集土兵修戰具。與潘派侯決策深入。三十一年庚寅春。將京土全師九千餘與乂安兵會。追逼呈光。賊將黎廷本降。維檣窮蹙自焚死。大軍遂入呈光。收獲象馬軍器甚多。分兵進捕餘黨。俘四百餘人。並釋之。四月振旅入京師獻捷。閏五月陞署副都御史。諭曰。卿蓄宿差行稱事。是以不次超遷。勉殫心力。以稱所委。

〔未完〕

## ▲夢洋詩集

(續五) 何芳澤遺草

●登舟 時離浦舟訂日返掉

吧陵三月管絃樓。不覺飄蓬海外洲。回首江山渾是夢。依然明月去孤舟。

開帆凌萬頃。飛瞰出千山。不與一人別。惟邀孤

★離吧

湖海如今思漸寬。布帆無恙浩茫間。天教明月清風送人自扶桑。弱水還早熱。莫愁新氣候。晚晴仍喜舊江山。懷歸那不忙如箭。雲水悠悠一

▲初夏

月還水雲如有意。塵土了無闕。忽失吧陵樹。南曛轉盼間。

片閒

## ●問南風

一吹裊裊更休休。海外徘徊歸客舟。不記薰絃當日事。憑君解盡世間憂。

## ○南風答

六陽得令入薰時。烈烈何如細細吹。水靜帆輕徐更好。憑將消息報君知。

## ▲過千山

驚濤猶記千山路。向斗曾移萬里船。此地重來春老矣。初心何似月茫然。十年湖海頻開鏡。一曲滄溟漫叩舷。喜得病軀還健在。薰陽裊裊入晴天。

## ○有感

四月二十三日聖節

萍蓬千里遠。夢寐五更深。來往俱塵跡。初終悵此心。千春歌聖節。長夏醉濃陰。滿目天邊鏡。悽懷篋裡簪。

水寒清吟破蒼莽。歸夢迴波瀾。欲向明河路。還須月出看。

## △阻風短歌

朔風無情吹槭槭。轉掉迴波帆勢逆。連日南風還自惜。那得中流頭不白。長呼短嘆竟何益。烟水茫茫我何窄。峴崿玄圃何年闢。弱水扶桑幾人迎。多少見聞異疇昔。倏忽雲風互變易。殘霞一抹半天赤。海氣西來混空碧。乾坤端倪露眞跡。淡月疏星慰孤客。魚有鱗兮鳥有翮。曷不委心任所適。

## ●晚興

半空雷雨隨風掛。遙島烟霞共鳥歸。斜月在船留不住。乘風欲向五雲飛。鳥掠船過烟島近。魚飛水出浪花平。相看未會悠悠意。天海茫茫萬里情。

## ●待月

不緣風勢阻。安識海程難。孤島翻雲沒。羣星浴

日暮天無雲。舉目惟星辰。長嘯風未來。大海一

微塵縱遊無所成。擬歸又逡巡。傷悲是吾褊。放任失吾真。安得起古者。再爲今世人。月明掛帆席。悠悠牛女津。

▲漫吟

世路何如海路難。乾坤到處放懷寬。風雷萬里牙檣動。星斗三更畫角寒。歸夢不迷常帶日。冲○無盡更觀瀾。江山歷歷如相慰。著眼還應仔細看。

星斗瞻天近。風雲度海多。醉來身似葉。渾欲浪吟過。

○風順

層層雲佈遠天陰。颯颯風來子夜深。濤響馬飛千里馳。電光龍躍一條金。滿強勢力還貪路。霽盡炎威稍慰心。

○口號

前事隔年成往夢。孤舟明日又端陽。獨醒應萬三。閭弔萬感惟拼一醉忘。

○觀釣

獨立觀垂釣。薰風爲解襟。失得只一笑。彼此俱無心。蓬窗新雨後。天際自輕陰。羨爾浮鷗靜。斜飛烟島深。

○出自白石港

曉風吹海立。歸艦逼天浮。雲與青山送。潮隨白石留。橫棹指邦國。對雨歌滄洲。憑語岷崙島。重來認故侯。

○詠五色鸚鵡

剪拂情深解不開。能言猶信世憐才。一毛應爲文章惜。五色誰分錦繡裁。吳水無情芳草綠。秦山有夢暮雲迴。可能珠樹歸栖穩。讀過多心幾萬回。

★竚風

海氣兼昏曉。風聲定有無。潮來星月冷。山去水雲孤。忙爲歸程近。涼因病骨蘇。扶搖如可借。到底卽方壺。

## ◎日月

日月忙歸思風雲感壯圖有生憑造化無狀辱  
卿夫湖海星光潤魚龍月影孤十年鴻爪遍未  
忍負柔弧

## ●晨眺

凌晨眺天際浸水皆峯巒烟蘿與松石隱約渺  
茫間中夜聞飛鳥何處接羽翰已遠地盤嶼錯  
認岷崙山紅日出海高轉盼忽改觀斷續只雲  
謁起伏惟波瀾彼鳥實有托征人相與還乘風  
欲飛去偕入五雲端

## ●咄咄

滄洲孤月逐帆移往事翻成咄咄思擱筆十年  
名不放飲冰一宦病相隨本來面目今猶故夙  
世根緣自問誰欲會乾坤庸玉意海天隨處認  
襟期

## ▲過岷崙山

分野○東庸波濤鎮海關指南標一島拱北偶  
羣山鳥徑微茫裡村烟渺靄間旅愁消一半遙  
羨白雲閒

羣山鳥徑微茫裡村烟渺靄間旅愁消一半遙  
羨白雲閒

泛槎昔依依不與山相遇歸來各無恙月明接  
良晤相看雨不厭波濤屹砥柱更羨山中人風  
物自太古江山是吾土天間非人間烟波自生  
長鷄犬自往還燕巢危石壁漁唱夕陽灣湖海  
雲蹤遍初知世味閒

## ▲夜起

借問心頭爲底忙孤舟欹枕對燈光波翻島嶼  
千層碧月落滄洲萬頃霜歸鳥一聲投遠浦乘  
魚有夢慰高堂徘徊倚立蓬梢望耿耿星河夜  
未央

## ★虬勳澤歌橪

比比柴扉穿深深竹徑斜潮平風礙島樹瘦暑  
薰沙歸客仍無恙浮生各有涯酒酸猶彊醉吾  
愛野人家